



Medlem af Inatsisartut Juliane Henningsen  
C/O bureau for Inatsisartut  
/Her

### § 36 naapertorlugu apeqqummut 2009-140

Inatsisartunut ilaasortaq Juliane Henningsen (IA) ulloq 4. november 2009-mi, Naalakkersuisut Siulittaasuata Naalakkersuisoqarfianit 13. november 2009-mi tiguneqartukkut, suliaq "misiliineq" pillugu Naalakkersuisunut apeqquteqarpoq. Matumanittaaq Naalakkersuisut sunik iliuuseqarsimanersut.

Aallarniutigalugu taama kingusitsigisukkut akissuteqarneq ajuusaarutigineqarpoq, peqatigisaanik qujassutigissavakka apeqqutip akineqarnissaanut kinguartitsinissamut akuersaarsimanerit. Kinguartitsinissamik pisariaqartitsinermut pissutaavoq suliaq "misiliineq" pillugu ataatsimiinnerit arlallit ingerlanneqarsimanerat, taamaattumillu aatsaat maanna naammattumik akissuteqarsinnaalerneq.

Misissuinissamik apeqqut Naalakkersuisut Siulittaasuata aamma Statsministerip akornanni ataatsimiinnermi oqaluuserineqarsimavoq. Ataatsimiinnermi isumaqatigiissutavaoq matumani pineqarmat Danmarkip Kalaallit Nunaatalu ataatsimoorlutik oqaluttuarisaaneranni kapitali aliarnartoq, aammalu sukumiinerusumik misissuisoqarnissaa Naalakkersuisunit kissaatigineqarpat toqqorsivinni misissuinissamut Danmarki ikuiussinnaasoq. Kingornatigut Naalakkersuisut Siulittaasuata aamma Kalaallit Nunaata Katersugaasiviata Allagaateqarfialu akornanni ataatsimiittoqarsimavoq. Kingullertut taaneqartoq ilisimatusaqatigiinni tassaasuni Kalaallit Nunaata Katersugaasivia Allagaateqarfialu, Forsorgsmuseet aamma Syddansk Universitetimi Center for Velfærdsstatsforskning peqataaffigineqartumi peqataavoq. Eqimattat saqqummiussimavaat ilisimatusarnermik tunngaveqartumik misissuinissamut siunnersuut meeqqanik kalaallinik arsaarinninnermut tunuliaqutaasunik qanorlu ingerlasimanageranik qulaajaasussatut aammalu ingerlatsinerup ilusilerneqarsimanageranik sukumiisumik nasuiaasiortussatut eqqarsaataasoq. kiisalu meeqqanut pineqartunut kinguniuisimasut sukumiisumik misissorneqassallutik. Aammattaaq misissuinikkut pisimasut oqaluttuarisaanikkut imminnut ataqatigiinnerat naliliivigineqassalluni. Ilisimatusarlutik eqimattat siunnersuutigisimavaat misissuinerpiami Namminersorlutik Oqartussat toqqaannartumik ilaassanngitsut.

Ilusiliussassatut takorluukkap imarisai Naalakkersuisut taperserpaat ilisimatusarnermullu atugassanik qinnuteqaateqartoqarnissaa kaammattuuteqarfigiumallugu.

Inussiarnersumik inuulluaqqusilluta  
Med venlig hilsen

16. december 2009  
Sagsnr. 2009-023664  
Dok. Nr. 280178

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@gh.gl  
www.nanoq.gl

Kuupik Kleist